

UDALBATZAREN IDAZKARI NAGUSIARI

ESKOLAK GARBITZEKO KONTRATUARI BURUZKO KONTROL MOZIOA

Elkarrekin Donostia Udaleko talde mistoko zinegotzi Arantza Gonzalez Garciak, Udalbatzaren Organo Araudiaren 134. artikulua ematen duen babesa aintzakotzat hartu eta KONTROL MOZIO hau aurkeztu behar dio Udalbatzari, ZERBITZU OROKORREN BATZORDEAK martxoaren 11n izan zuen bileran Gobernantza Ireki, Digital eta Kolaboratiboko zinegotzi ordezkari Ana Lopezi eskolak garbitzeko kontratuaren gainean egindako interpelazioaren ondorioz.

JUSTIFIKAZIOA

Lehen esan dugun batzordeak hilaren 11n izan zuen bileran azaldu genuen bezala, eskolak garbitzeko kontratuaren 2. loteak, orain dela urtebete pasatxo Gizatzen enpresari emanak, gorabehera ugari eragin ditu, bai langileekin, bai kontratua betetzeko moduarekin ere. Gure ustez oso larria den gorabehera bat subrogatutako langileei aplikatutako eraginkortasun mugatuko akordioaren (horretan oinarrituta kalkulatu zen kontratuaren orduko prezioa) eta Gipuzkoako hitzarmena aplikatzen zaien beste langile batzuen arteko aldeak sortutako soldata-eskala bikoitzarena da.

Era berean, langileen ordezkariak behin eta berriz salatzen dituzte beste gorabehera batzuk ere; esate baterako, nominak ordaintzeko atzerapenak, nomina okerrak, bidegabeko kaleratzeak, lan-kargak, segurtasunari eta osasunari buruzko neurririk eza, garbiketa-produktuen etiketatzea eta abar.

Era berean, une honetan irekita dago hitzarmen kolektiboaren negoziazio-mahaia. Hala ere, emakume langileek mobilizazioak hasi behar izan dituzte, enpresak uko egin diolako langileen aldarrikapenen gainean negoziatzeari. Are gehiago, enpresaren jarrera ikusita, itxura guztia du haren estrategia negoziazioa ahalik eta gehien atzeratzea izatekoa, subrogatutako langileei aplikatzen zaien eraginkortasun mugatuko hitzarmen hori amaitu dadin hartara. Izan ere, hitzarmen horrek bi soldata maila izatea sortzen baitu, eta Gipuzkoako hitzarmena aplikatzea oraingo kontratua sinatu zenetik kontratatzen ari diren langileei.

Enpresaren estrategia horrek ekar dezakeena da orain eraginkortasun mugatuko akordioaren pean dauden langileei Gipuzkoako hitzarmena aplikatzea eta soldatak izoztea urte mordo batean, Gipuzkoako hitzarmenaren baldintzak eragin mugatukoarenak baino txarragoak dira eta.

Enpresa estrategia horrek ezin du udal gobernuaren onespén inpliziturik izan; lan-prekarietatea babestea esan nahi du-eta horrek, soldata-arrakala babestea eta langile horiek funtsezkotzat hartzeari uztea, nahiz eta oso leku sentikorretan lan egiten duten haiek (eskolak, haur-eskolak eta erretiratuen etxeak, konparazio baterako).

Udal gobernuak ez dauka hori azpikontratutako enpresaren eta langileen arteko lan-harremana dela esan eta haren atzean ezkututzerik, langile horien soldata Udalaren aurrekontutik ateratzen da-eta. Beste behin ere, garbi ikusten da zerbitzu publikoak azpikontratatzearen helburu bakarra onura pribatua dela, langileen lan-baldintzen kontura.

Batzordean, zinegotzi eskuordeak adierazi zuen kezkatuta dagoela enpresak kontratu hori kudeatzeko darabilen moduarekin, aztertu dutela zuzenean kudeatzea zer kostatuko litzatekeen eta Udalak bere gain ondo hartzeko modukoa dela. Hala ere, beste zalantza mota batzuk ere adierazi zituen, garbiketa-zerbitzua zuzenean kudeatzeko posibilitatea aztertuko duten txosten juridiko, tekniko eta ekonomikoak eginda bestela argitu ezin direnak.

Era berean, orain dela urtebete osoko bilkurak aho batez onartu zuen kontratuaren baldintza-agiriko berdintasun-txostena egiteaz ere galdetu genuen, ez baitakigu ezer ere haren gainean. Alde horretatik, zinegotzi eskuordeak esan zuen aztertzen ari direla hurrengo baldintza-agirian beste berdintasun-klausula sozial batzuk sartzea. Alegia, ez dutela osoko bilkurak onartutako txostenik egingo eta azpikontratatu egingo dutela zerbitzua berriz ere.

Hori dela eta, hauxe da gure

KONTROL MOZIOA

1. Donostiako Udalaren Osoko Bilkurak udal gobernuari eskatzen dio eskolen garbiketa-zerbitzua zuzenean kudeatzearen gaineko txosten juridiko, tekniko eta ekonomikoak egiteko.
2. Donostiako Udalaren Osoko Bilkurak udal gobernuari eskatzen dio Udalbatzak onartutako genero-txostena egiteko.
3. Donostiako Udalaren Osoko Bilkurak udal gobernuari eskatzen dio, eskolak garbitzeko zerbitzua berriro azpikontratatzeko bada, zuzenean langileen ordezkariekin eta eskolekin kontrastatzeko baldintza-agiria, hain languneetara egokitzeko fitxak ondo.

Arantza Gonzalez Garcia,

Elkarrekin Donostia Udaleko talde mistoko zinegotzia.